

REGIONAL NEWS

HEADLINES:-

1. Prime Minister Narendra Modi an Mizoram chu Act East Policy hlawhtlinna atana kawng pawimawh tak a ni tih a sawi.
2. Aizawl leh Silchar inkar kawngpui dung a Buichali leh Kawnpui inkar kawngpui chu a chhe hle a, nitinin lirthei tangkhang engemaw zat a la awm reng.
3. Prime Minister Narendra Modi-a'n Goods and Services Tax , GST rate thar chu Mizo mipuiten an chhawr tangkai dawn tih a sawi.
4. Prime Minister Narendra Modi-a'n cheng vbch 18,530 senga Assam-a hmasawnna hna hrang hrang thawhna tur a hawng.

<><><>

PM – ACT EAST

Prime Minister Narendra Modi an Mizoram chu Act East Policy hlawhtlinna atana kawng pawimawh tak a ni tih a sawi.

He thu hi nimina Bairabi-Sairang rel kawng a hawnna ah sawiin Pu Modi chuan Kum 11 chhung hmarchhak bial hmasawnna tur atan theihtawp an chhuah thin a ti a, kum rei tak chhung chu inkalpawhna leh inbiakpawhna kawng a awlsam lo thin tih sawiin hemi kawngah hian hun rei tak Mizoram chuan hmathlir nei mahse hmasawnna a thlenglo a ti a, tunah chuan NDA sawrkar hnuaiah hmasawnna a awm tih sawiin hmarchhak bial hmasawnna chu ram hmasawnna a ni a ti.

Pu Modi chuan Kaladan Multi-Modal Transit Transport Project leh Sairang atanga Hmawngbuchhuah inkar rel kawng chu chu Act East Policy hlawhtlinna atana kawng pawimawh tak ani tih sawiin Mizoram chu rampawn te nen insumdawn tawna ah hmun pawimawh tak ani dawn a ti a, Bay of Bengal leh South East Asia te nen Mizoram chu a inpawh thei tawh dawn tih sawiin hei hian sum hailuhna kawng hrang hrangah state chhunga mipuite hlawkna a siamsak dawn ani.

<><><>

CAG: AMC

Comptroller & Auditor General of India (CAG) report hnunung ber chuan Aizawl Municipal Corporation (AMC)-in bawlhhlawh paihna truck 45 a tihralna a cheng vaibelchhe 3 leh nuai 16 zet sorkar sumbawm a heu chu sawiselin a mawhphurtu zawng chhuak turin Mizoram sorkar a hriattir.

CAG Audit report a a lan danin State Investment Project Management & Implementation Unit (SIPMIU) chuan kum 2017 October ni 3 khan AMC hnenah Aizawl khawpui a bawlhhlawh khawn khawm leh senghawina atan lirthei 54 a pe a. Heta a lirthei pekte hi LPK 407 tipper truck 50 leh Xenon pickup 4 a ni a. LPK 407 tipper truck man hi cheng vaibelchhe 10 leh nuai 28 a ni. Mizoram Condemnation & Disposal of Government Vehicles Rules, 2011 ang chuan truck laiawl ang chi hi kum 10 chhung emaw kilometre nuai 2 thleng a tlan thleng emaw hman theih tura ngaih a ni a. Chumi hma a hman tlak lohva chhal (condemn) tur chuan siamthat leh theih tawh rual loh khawpa a chetsual vang a ni tur a ni, tih a ni.

Hetiang hi danin a ziah dan a nih lai-in AMC Board of Councillors chuan truck-te hi an lei atanga kum khat a tlinna kum 2018 December thla khan AMC hnena petu SIPMIU pawh hriattir lovin mimal hnena pek an rel thlu a. Kum 2019 February thla a mithiamte endikna report a a lan dan chuan a vai hian kum 2017 a siam an ni a, tha tak vek an la ni. Heti chung hian AMC thuneitute'n an endiktir anga endiktu Motor Vehicle Inspector (MVI) chuan behchhan tur awm hauh lovin senso tam tham lova siamthat leh tur chuan an tlak tawh hlawm lo niin a ziaak a, truck pakhat hlut zawng pawh cheng nuai 3, sing 6 leh sang 4 leh cheng nuai 6, sing 3 leh sang 9 leka hniamin a ziaak a ni.

Hemi hnu hian District Transport Officer (DTO) chuan MVI report ziah dan hi a dik lo tih a pawmin , senso sang lova siamthat theih tih zawk tur a ni a ti a. A tihralna man zat tur a bituk dan behchhan erawh tarlan a ni lova. An lilamna pawh hi media lamah zau taka puangzar lovin Chhawrpial chanchinbu-ah chauh kum 2019 March ni 8 leh ni 13 khan chhuah a nih thu an pha lo ani. A lilamna man tur chhut tlem luat a nih avang hian sorkar sum cheng vaibelchhe 3 leh nuai 16 zet a hek phah nia chhut a ni.

CAG chuan AMC hian financial rules a bawhchhe chiang hle tih sawiin, truck dehral dan phungah hian pektlaktir nghal lovin thlatin a rulh tir a, cheng vaibelchhe 2 leh nuai 12 chu tlaikhawhnu-ah a dawng chauhani ati a, hemi chungchanga auditor-te zawhna chhangin Mizoram sorkar chuan kum 2023 August thla khan AMC hian hnathawk an neih tlem avangin bawlhhlawh senghawina truck-te hi an enkawl thei lo niin a sawi a. Hei hi CAG chuan pawm lovin lirthei dehral dan dinglai bawhchhiatna awm chu ngaihnhathiam theih a ni lo a ni a ti a. Dan bawhchhiatnate, lirthei hlut zawng nasa taka tihhniam a nih avangte hian lirthei lilam chhangtute hian dik lo takin hlawkna an tel tih chu CAG hmuh dan a ni a. A hun hma a, lirthei tihral, a hlutna chhut hniam leh dan bawhchhiatna belhkhawm hian a chhangtu zinga duhsak uchuak bik an awm thei a a lan bakah sorkar tana sum tam tak hlohna a thlen a ni a ti a ni.

<><><>

HIGHWAY

Aizawl leh Silchar inkar kawngpui dung a Buichali leh Kawnpui kawngpui chu a chhe hle a, nitinin lirthei tangkhang engemaw zat a a la awm reng.

Mizoram Truck Driver Association (MTDA) president Pu H. Laldingliana'n Akashvani Aizawl a hrilh danin kumin chawhma lama a chhe zual lai an siamthat Buichali leh Kawnpui inkar hi a chhe leh deuh vek tawh a. Tun hnai mai-ah pawh truck tlu a awm leh nual tawh bakah Aizawl leh Kawnpui inkarah ringawt hian ni 4 ni 5 te hun an hmang thin niin Pu H. Laldingliana chuan a sawi a. NHIDCL kuta hlan a nih hnu hian a khuar lai hnawh zel an tum thu an sawi na-in an thawk meuh lo ni-in a sawi a, sorkar pawhin a nawr zui lem lo ni a an hriat thu a sawi. He tianga kawng hi a chhiat reng chuan tlan lohte pawh an tintuah leh tawh niin a sawi a. Khu lai an kaltlang chuan an truck-te chu siamthat a ngai nasa thei hle niin a sawibawk.

Tun dinhmunah lirthei tangkhang a la awm reng a. Tukin dar 8 leh a chanve thleng khan Kawnpui atanga Aizawl lam pan truck 538 rawn chhuah a ni a. Sairang peng leh Khamrang inkar atanga Kolasib leh Silchar lam pan truck ruak 81 chhuah a ni bawk a. Lirthei tangkhang

chhuah zat hi a vai-in 619 a ni a. He tih lai hian lirthei la tangkhang mek hi Khamrang ah Assam pan tur truck 234 a awm a, Aizawl lam pan tangkhang erawh chu tukin zing kha chuan a awm rih lo a ni.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Naktuk zing dar 7 leh a chanve-ah Chanchinthar puan leh a ni ang.

<><><>

PM - GST

Prime Minister Pu Narendra Modi-a'n Goods and Services Tax , GST rate thar chu Mizo mipuiten an chhawr tangkai dawn tih a sawi.

Lengpui Airport atanga Bairabi to Sairang Rel kawng thar a hawnnaah he thu hi sawiin, Mizoram tharchhuah hrang hrangte chu hmundanga hralhchhuah tlak a ni ati , hengah hian kuthnathawktuten hlawkna an hmuh theih nan theihtawp chhuah a ni a ti . Chhiah lak thin chu tih tlem a ni tih sawiin mipui mamawh hrang hrang tih tlem chu mipui nawlpui chhawk zangkhai tu a ni dawn tih a sawi.

India chu economy thanguang ber a ni tih sawiin ram ropui taka an lo ngaih thin te a lehpel tawh ani a ti a, economy a that em avangin ramina hma a sawn zel phah a ti a, nimina khaw awmdan zirloh avanga Aizawl a kal theilo chu pawl a tih thu leh hun reilote hnuah tlawh leh ngei a tum dawn tih a sawi baw.

<><><>

DISASTER

Nizan leh tukin zing lama ruahsur nasa avangin Kolasib District chhung hmun hrang hrangah harsatna a thlen thu dawn a ni.

Hriat theih chinah Kolasib Project Venga Fast Track Court building thar sakna thlang lam Dumlui zau kawng; Sericulture Demonstration Farm bula Kawng chhak lam lei min chuan Kawng a hnawh a, he thu buatsaih lai, vawiin tlai thlang khan Lirthei eng chi mah a kal tlang thei lo. Leimin hi building satute tui paihna mumal lo leh tuihawk luankawr mumal loh vang ni a thudawn a ni.

Saihapui 'K' khaw chhung inkal pawhna Thir Lei (bridge) inngahna a min nasat avangin lirthei kal tlang theih a ni lo. He Lei hi Balu lakna Kawng pawimawh tak a ni.

Saiphai leh Phainuam inkar NH-306A ah nizan khan lei a min a, vawiinah khan Contactor Bhavia Constn Company te'n an thian fai nghal a ni.

Kawnpui leh Hortoki inkar, Kawnpui Venglai thlanmual thlang Kualmawi bul ah lei a min baw a, lirthei LMV chin a tlang thei ni a thudawn a ni.

Vairengte VC III huamchhunga IOC ah lei a min a, In pakhat chu luah zui ngam a ni lo.

Vairengte VC IV huamchhunga State Vengah pawh lei min vangin harsatna an taw baw.

<><><>

PM INAUGURATES

Prime Minister Narendra Modi-a'n cheng vbch 18,530 senga, Assam-a hmasawnna hna hrang hrang thawhna tur vawiin khan a hawng. Hemi puala Darrang Dist-a Mangaldoi-a inkhawm buatsaihah Prime Minister chuan India chu khawvela ram thang chak ber anih thu leh Assam chu India rama state hmasawn chak berte zingah a tel tih a sawi a, ram changkang ni tura hmalakna tihlawhtling turin hmar chhak bialin mawhphurhna lian tak an chang a ni, a ti.

Hmasawnna project kalpui tur zingah hian Darrang Medical College & Hospital, GNM School leh B.Sc Nursing College dinna turte, Guwahati Ring Road siamna tur leh Brahmaputra lui chung a Kuruwa-Narengi lei dawhna turte a tel a ni.

<><><>

ECUADOR POOL HALL SHOOTING

Ecuador-a Santo Domingo de los Tsachilas province-ah sipai anga inthuum silai kengten pool hall an pawng kahnaah mi 7 an thi a, midang 3-in hliam an tuar baw. Thi zinga 1 leh hliam tuar zinga 2 chu ruihhlo tawlhruk leh tual thah bakah paw khawihna hrang hrang danga thubuai nei lai an ni.

Tun hi he province pool hall-a inpawng kah a thlen vawi hnihna a ni a, tun thla ni 17-a hetiang ang chetna thlengah mi 7 kahhlum an lo ni tawh baw a ni.

Ecuador Organised Crime Observatory sawi danin, kumin kum chanve hmalamah khan tual thahna tum sang 4 leh 600 chuang a thleng a, nikum hemi hun chhung aiin zaa 47-in a sang zawk a ni.

<><><>